

TE MAU API NO TE RAAU ORA

Ua faataahia te ravea no te horoaraa i te reira i nia i te taata nei. E ere te fare o te Atua i te fare no te anoi noa. Ua faataahia 'Ta'na mau ture no te mau ao, i te pae varua e te pae tino atoa, e aita e anoiraa i roto i 'Ta'na mau ohipa. E ere te mau raveraa o te mau taata i te mea faito i 'Ta'na

e eita oia e faahuru ê i Ta'na mau ture ia tano te reira i to te taata nei raveraa. Te ravea no te horoaraa i te reira, o te tuuraa i te rima ia, na te feia tei farii a'ena i te reira e tei maitihia e te Atua no te horoaraa'tu i te reira.

I muri a'e i te faaroo mau, te tatarahapa mau e te bapetizoraa tia, e mea tia ia horoahia'tu te Varua Maitai, na roto i te tuuraa i te rima, e te taata tei haamanahia.

Te ohipa a te reira horoaraa i nia i te taata tei farii i te reira, e ere ia i te mea ite-roa-hia i te pae tino. Te ohipa rahi na te Varua Maitai o te haamaramaramaraa ia i te mau tane e te mau vahine. E rave oia i te ohipa i nia i te varua, e e horoa mai oia i te hau, te fanao e te oaoa i te varua. E horoa mai oia i te ite papu e, ua farii-mau-hia e te Atua; e e faatupu oia i te puai i roto i te taata no te patoiraa'tu i te ino e te hara e ia rave i te maitai. Eita râ oia e faatupu i te peu huru ê i nia i te tino o te taata nei. Eita oia e taora i te taata i nia i te fenua, mai te huru e, ua pohe ratou. Eita atoa oia e faatupu i te tuo, te aue e te ou'a i roto i ta'na mau faaururaa.

Te mau hotu omoe o te Varua Maitai o teie ia, te faaroo, te ite, te paari, te oaoa, te hau, te faaoromai, te maru, te maitai o te hinaaro, te aroha taeae, te mamahu e te hitahita ore. To'na mau hotu e itehia, teie ia, te tohuraa, te orama, te parau e noaa'i te ite, te faaoraraa i te ma'i, te rave tapao, te parau êê, e te iritiraa i te parau êê.

Ua horoahia te reira mau horoaraa mai te au i te hinaaro o te Atua i rotou i te mau feia tei farii i te Varua Maitai. E tia i te hoê taata ia farii i te mau horoaraa e rave rahi, e e tia hoi i te hoê taata ia farii i te hoê noa iho o teie mau mea te tia ia itehia. E te vai ra hoi te taata te ore roa e farii i te hoê noa a'e o te reira mau tapao. Ua hau atu te *tohuraa* i te *parau êê*, noa'tu e e ite-mau-hia te hopea nei, e ua hau atu te *paari* e te *faaroo* ia raua e piti. Te ite e te paari atua, e mea faufaa rahi ia i roto i to raua raveraa, e e faatae mai raua i te taata tei noaa ia'na te reira i te oaoa faito ore, e te mau haamaitairaa e rave rahi i nia ia vetahi ê.

E noaa te reira mau horoaraa o te Varua na roto i te pure ma te faaroo. *A ani e e horoahia* o te fafau ia tei horoahia i te feia mo'a. E o ratou tei haapao i te mau ture e te mau faaueraa e tei farii i te Varua Maitai, ua parauhia ratou te

Feia Mo
ia ratou
ratou e
Ua faat
feia faa
ravehia
reira e

Te o
reira te
te pape
e mea t
leia o t
nei e a
ra'i ra.
mau ei

No te
pao ore
ia'na t
maram
tou hu
hinaaro
ramara
ratou i
i reira
ino i r
ramara
titau-fa
o te ho

E fa
tei far
feia ve
reira.
roto i
te mau
te mau
rama i
e te m
roa e
teie ne
to o Ie

Feia Mo'a. Area râ, ia mâ to ratou titauraa e tia'i, ia noaa ia ratou te mau haamaitairaa ta ratou e hinaaro. Eita atoa ratou e horoahia no te faatupuraa i te maere e te faahiabiahia. Ua faataahia râ ratou no te tautururaa e te haapapuraa i te feia faaroo mau, e ei tapao no te here o to tatou Metua, e ia ravehia ratou ma te paari e tia'i, e a ore râ, e rave-ê-hia te reira e e faatupu ratou i te ino.

Te oro'a no te horoaraa i te Varua Maitai, ua parauhia te reira te haapapuraa. Ua riro te baptizoraa ei fanauraa i te pape; ua riro te haapapuraa ei baptizoraa i te Varua. E e mea tia ia ia vai raua apipiti no te tomoraa i roto i te basileia o te Atua, mai te au i to'na auraa no te Ekalesia i raro nei e a ore râ no te basileia hanahana o to tatou Metua i te ra'i ra. O ratou ana'e tei arataihia e taua Varua ra, te riro mau ei *tamarii na te Atua*.

No te haapao maitai ia i horoahia mai ai, na roto hoi i te haapao ore e rave-ê-hia'i. Aue te mauui aau o te taata tei moe ia'na te reira i muri a'e i to'na fariiraa i te reira. Ua riro te maramarama i roto ia'na ei poiri, e ua hau atu i te ino to ratou huru hopea i to te matamua roa. Ua pohe to ratou mau hinaaro o te varua e a ore râ ua paruparu roa, e riro te maramarama ei mea poiri na ratou, e te mau mea i oaoahia e ratou i te matamua, ua riro ia ei mea au-ore-hia e ratou. E i reira ua riro ratou ei mauhaa no te ino; e tupu mai te ino i roto i to ratou mau mafatu i te mau tamarii no te maramarama; e te hopea o ta ratou ohipa, mai te mea eita te titau-faahou-raa e tae mai, o te haamanii ia i te toto hara ore, o te hoê ia hara te ore roa e faaorehia.

E faufaa rahi to te taata tei ia'na te Varua Maitai; e te feia tei farii i te reira e tei haamo'e atu, ua riro ia ratou ei mau feia veve mau. Area râ, e mea rahi te huru o te fariiraa i te reira. E rave rahi te farii i te reira e te haere ma te otia i roto i to'na maramarama. E mea varavara te taata te ora i te mau parau riirii o te Varua ra e te tahoê i te mau mea no te mau ra'i teitei roa. Ia ratou te anaana noa ra te maramarama i te mau mahana taatoa. No ratou e tupu te mau oaoa e te mau tiaturiraa hanahana i roto i to ratou iho aau, te ore roa e noaa na roto i te mau tamataraa no te mau maitai o teie nei ao; e te tupuraa i te pae varua e tae noa'tu i te faito o Iesu Mesia.

*Papahia e C. W. Penrose, te hoê Aposetolo
Faaauhi e reo Tahiti e K. R. Stevens
Peresiden' Misioni*

TE PARAU AUTAHU'ARAA

No te Ava'e TIURAI

TE MAU TAATA TUIROO O TE BIBILIA

A FAATANANO I TEIE MAU UIRAA I NIA I TE
MAU TAATA'TOA E HAAPIIHIA

1. E peropheta anei oia ? 2. Ua tohu mai anei oia i te tahi mau tohuraa ? 3. Ua tupu anei ta'na mau tohuraa ? 4. Eaha te huru o to'na maitiraahia ? 5. Eaha te mau ohipa i faataahia na'na ? 6. E mea tia anei to'na raveraa i ta'na ohipa, e a ore râ, aita anei ? 7. Eaha te tumu i na reira'i oia ? 8. Ua mauruuru anei te Atua ia'na ? No te aha ? 9. Eaha te rê i roaa ia'na ? 10. Eaha te faufaa rahi no to'na ora ?

Ua maitihia teie mau irava i raro nei ia roaa te pahonuraa i te mau uiraa i nia nei. No reira a tai'o maitai outou i te reira ia tia ia outou ia pahono i te mau uiraa. Ia ui faaoti roa hoi te orometua i te mau uiraa i papaihia.

Tiurai 2. ELISAIA. Te Mau Arii I, 19:16-21; Te Mau Arii II, 3:11, 12; 5.

Tiurai 9. IOSIA. Te Mau Arii II, 22; 23; 24:1-30; Paraleipomeno II, 34:33.

Tiurai 16. NEBUKANESA. Te Mau Arii II, 24:10, 11; Paraleipomeno I, 6:15; Ezera 1:7; 2:1; 5:12; 6:5; Ieremia 46:2-12; Daniela 2:36-47.

Tiurai 23. HEZEKIA. Te Mau Arii II, 18:3-7; 20:1-11, 14:21; Paraleipomeno II, p. 29-32.

Tiurai 30. Hi'opoaraa.

Na Te Mau Maapii Mahaere na te Mau Utuafare

TE HAAPAO ORE — TE PAIETI ORE — TE POHE

E ore roa te Varua o te Atua e mârô i te taata nei e a muri noa'tu. II Nephi 26:11.

Te na ô maira o Moromona, te taata tei papai i te Buka a Moromona: *E ua faatiakia te mau fare i nia i te fenua e hope roa a'e, e ua huru au te rahi o te taata i te one tahatai.* Moromona 1:7.

Noa'tu râ i te reira, ua imi ratou i to ratou mau faaururaa

no ô m
raro a
tama'i
te tuu
hoê o
atura
nuna
faa ar
Atua ?
roaa n

Ua pa
parau n
tua ora

Tiurai

Ia n
fare m
27:37,
i to ta
rau i r
tou ar

O P.

Ua :

Ua :

2:

Tiurai

Ua :

Ua :

no ô mai i te basileia o te poiri e ua tuu atura ia ratou iho i raro a'e i te faatereraa o te ino, e ua tomo atura i roto i te tama'iraa, ratou ratou iho. Tama'i atura na pŭpŭ e piti ma te tuutuu ore e tae noa'tu ua itehia e, e haamou-roa-hia te hoê o teie na pŭpŭ e piti; e ua haamouhia te ati Nephi. Toe atura te ati Lamana ei fatu no te fenua e riro atura ratou ei nunaa haapao ore, poiri e te oviri hoi. No te aha ? E fau-faa anei te roaa mai ia haapao ore i te mau faaueraa a te Atua ? Eaha te utua no te reira ? Eaha te huru o te pohe e roaa mai ?

TE SOTAIETE VAHINE TAUTURU

No te Ava'e TIURAI

Irava tamau aau: Mataio: 16: 15-16

Ua parau atura oia ia ratou, O vai râ vau nei i ta outou na parauraa ? Ua parau maira Simona Petero, na ô maira, O te Mesia oe, te Tamaiti a te Atua ora ra.

Tiurai 6. O te mahaua iritiraa mana'o teie.

Ia maiti-atoa-hia na tuahine no te hahaere i te mau utua-fare ma te haapii haere i te parau tei papaihia i te Luka 10: 27:37, o te faaite mai ia tatou nei e tia ia ia aroha atu tatou i to tatou taata tupu. A tai'o i na irava e i reira a parapara i nia iho i te mau ravea e tia ia faaite atu tatou i to tatou aroha te tahi i te tahi.

O Petero, te pŭpŭ e te aposetolo.

Ua aratai maira ia'na ia Iesu.

Ua rave Iesu i te mau semeio i mua ia Petero ma. Ioane 2: 1-10.

Tiurai 13. Te Fairaa Rahi.

Ua maiti Iesu i ta'na mau pŭpŭ. Mataio 4: 18-22.

Ua maitibia Petero ei aposetolo. Luka 6: 12-14.

Ua tamata Iesu i to'na mau aposotolo no to ratou ite ia'na ra. Mataio 16:13-19.

Ua farii Petero i te mau taviri no te basileia. Mataio 17:1-12.

Tiurai 20. Ua huna Petero i to'na Fatu.

Ua mana'o Petero e, e taata etaeta oia. Mataio 26:33-35.

Tei tupu na mua i te hunaraa. Mataio 26:57-72.

Te hunaraa. Mataio 26:73-75.

Tiurai 27. Mahana raveraa ohipa.

E haapaohia teie mahana ei mahana raveraa ohipa e te mau tuahine atoa. Eiaha e taupupu, a tanturu râ outou pa-atua i tei mano'ohia na outou e rave.

HAAPIIRAA SABATI

No te Ava'e TIURAI

PUPU PARAIMERE

Irava tamau aau: *Exodo 20:2-3*

O van to Atua ra o Iehova, o tei aratai mai ia oe * Eiaha roa to oe ei Atua e atu ia'u nei.

Tiurai 2. Te mou'a tei auauahihia, e te mau parau i parauhia no reira mai. *Exodo 17:1* e tae noa'tu i te *31:18*.

Tiurai 9. Na Aarona te kafa auro i hamani; to'na hopea. *Exodo 32:1* e tae noa'tu i te *34:35*.

Tiurai 16. Te tiahapa i parahihia e te Atua i rotopu i to'na feia. *Exodo 35:1* e tae noa'tu i te *40:38*.

Tiurai 23. Te ravea i haamorihihi'i te Atua i roto i te sekene. *Levitiko 1:1-13; 8:1-13; Exodo 27:20, 21*.

Tiurai 30. Hi'opoaraa.

PUPU PITI

Irava tamau aau: *Alama 7:9*.

Tera ta te Varna i parau mai ia'u. A pii atu i teie nei feia, i te na ôraa e, A tatarahapa outou, e haamaitai i te e'a o te Fatu, e haere na to'na mau e'a titiaifaro ra: inaha hoi, te fatata mai nei te basileia o te ao, e e haere mai te Tamaiti a te Atua i nia i te fenua nei.

Tiurai

Tiurai

Tiurai

Tiurai

Tiurai

Inaha,
e ana ia :
ora mure

Tiurai

Tiurai

Tiurai

Tiurai

Tiurai

Te faaro
te iritira:
o te para

Ua tae
e te tam

Tiurai 30. Hi'opoaraa.

Tiurai 30. Hi'opoaraa.

→→→→←←←←

Ua tae maira hoi te parau a Iehova ia'u nei, na ô maira, E rave â hoi oe, e te tamaiti a te taata na, i te hoê raau, a papai ai i nia iho, Na Iuda e na

te tamarīi a Iseraela, o to'na ra mau hoa; e mai reira hoi, a rave ai i te tahi raau na Iosepha, te raau na Epheraima, e te utuafare atoa o Iseraela, o to'na ra mau hoa: a taati atu ai i te tahi i te tahi ia hoê â raau; e ia riro ei hoê i roto i to rima na. (Ezekiela 37;15-17)

Te farii nei to te Ekalesia a Iesu Mesia i te Feia Mo'a i te Mau Mahana Hopea Nei i te Bibilia ei papairaa mo'a, e te vai nei te parau mau a te Atua i roto. Te faaroo nei hoi to te Ekalesia nei e, ua tuuhia mai te tahi mau parau mo'a a te Atua i te Ekalesia i teie iho tau e te farii nei hoi te Feia Mo'a i te Mau Mahana Hopea Nei i te reira ei parau mau a te Atua.

O te Bibilia ra, o te parau tuatapapa ia o te ati Iuda e to te Atua raverā ia ratou, oia hoi, o te *raau a Iuda* ia i parauhia e Ezekielā. O te Buka a Moromona rā, o te tahi ia raau i parauhia e taua peropheta o Ezekielā ra, oia hoi, te *raau a Iosepha*. E parau tuatapapa ia o te ati Lehi. E taua peropheta o Lehi ra, e huaai oia no Iosepha, na roto mai ia Manase. (I Nephi 5:16) Ua faaipoipo te mau tamarīi a Lehi i te mau tamahine a Isemaela. E taua taata ra, e huaai hoi oia no Iosepha na roto mai ia Epheraima.

I te tau no Ezekielā, ua parauhia te mau buka ei *raau* no te mea e, ua tavirihia te mau papairaa i nia mau i te raau. I taua tau ra aita roa ta ratou e buka apī parau mai ta tatou nei.

I to tatou iho nei tau i tupu ai teie tohuraa e ua riro teie na buka e piti *ei hoê i to'u nei rima*, mai te au tei faaitēhia mai e Iehova i te tau tahito, e te tauturu nei te tahi i te tahi.

Te Mau Uiraa. 1. No te aha te buka i parauhia'i ei "raau" i te tau tahito? 2. E hia buka ta te Atua i faaue mai i te "tamarīi a te taata" ia papai? 3. Na vai te hoê? 4. Na vai hoi te tahi? 5. Eaha te raau na Iuda? 6. Eaha te raau na Iosepha? 7. Ua faaite mai Iehova e riro teie na buka e piti ei aha?

Haapiiraa Piti No Nia I

TE RAAU A IOSEPHA

No hea mai te Buka a Moromona? O taua buka nei, o te hoê ia parau tuatapaparaa mo'a tei papaihia e te mau peropheta no te feia tei parahi i nia i te fenua Amerika i na tenetere na mua a'e i te tau o Iesu Mesia, e na hanere mata-

hiti na
ra i teie

E no t
rave ral
outou e
nei outo
o vau n
E no re
riu mai
ite a to

i te faat
rau na

I te 2
hoê me
nei, o t
mau pa
te reira
ro. Na
buka at
ie buka
matamu
tane i t
reo Tak

Te M.
Atua haa
o te Buka
te reira i
Semita?
te reira E

E me
Morom
e, I te
tua * fa
hiti ma
nohia n
na i'oa

hiti na muri a'e hoi. Ua iritihia mai taua parau tuatapapa ra i teie tau nei na roto i te tauturaa a te Atua, e na roto hoi

E no te mea e hiohio atu ta'u mau parau, e parau ai te mau Etene e rave rahi e, E Bibilia! E Bibilia ta matou e aore atu â Bibilia. * Eaha outou e amuamu ai, i te mea e roaa â ia outou ta'u nei parau? Aore anei outou i ite e, ua riro te faaite a na fenua e piti ei faaite ia outou e, o vau nei o te Atua, e hoê â to'u haamana'oraa i to te mau fenua atoa? E no reira, hoê â ta'u parau i to te tahi fenua e i to te tahi fenua. E ia farii mai e piti pue fenua te tahi i te tahi, e faariro-atoa-hia mai hoi te ite a to taua pue fenua ra ei hoê. (II Nephi 29:3, 8.)

i te faataaraa mau. E te taata tei iriti mai i teie nei mau parau na roto i te tautururaa a te Atua ra, o Iosepha SEMITA ia.

I te 21 no te ava'e Setepa i te matahiti 1823, ua fâ mai te hoê melahi ia Iosepha, o Moroni to'na i'oa. E taua melahi nei, o te hopea oia o te mau peropheta tahito o tei papai i te mau parau i roto i te Buka a Moromona ra. Ua papaihia hoi te reira i roto i te papairaa Aiphiti i niai te tahi mau apî auro. Na Moroni te mau papairaa i faaoti e na'na hoi te reira buka auro i tuu i raro i te repo fenua, e na roto hoi ia'na teie buka i horoahia'i i roto i te rima o te peropheta e te hi'o matamua i teie nei tau, o tei iriti mai i te reira ei reo Baretane i te matahiti 1829. Ua iritihia mai hoi te reira buka ei reo Tahiti i te matahiti 1899.

Te Mau Uiraa: 1. Eaha te Buka a Moromona? 2. Hoê â anei ta te Atua haamana'oraa i te mau fenua atoa? 3. Eaha te papairaa tumu mau o te Buka a Moromona? 4. Ua ootihia te reira i nia i te aha? 5. Na vai te reira i iriti ei reo Baretane? 6. O vai te melahi tei fâ mai ia Iosepha Semita? 7. I nafea te reira buka i iritihia'i ei reo Baretane? 8. I nafea te reira Buka i iritihia mai ai ei reo Tahiti?

Haapiiraa Toru No Nia I TE BUKA A MOROMONA

E mea nehenehe te aamu o te afairaahia mai o te Buka a Moromona i teie tau hopea nei. Ua papai o Iosepha Semita e, *I te 21 no Setepa i te matahiti 1823 * a pure ai au i te Atua * fâ maira te hoê melahi i pihaiho i to'u ro'i. * Ua faahiti maira oia i to'u i'oa i te na ôraa e, o te hoê ve'a oia i tonohia mai no o mai i te aro o te Atua ra ia farerei ia'u, e to'na i'oa ra, o Moroni ia.*

*Ua faaite maira oia e, te vai mau ra te hoê buka i hunahia na i roto i te hoê aivi i fatata mai; o te papaa parau ia o tei ootihia i nia iho i taua mau api auro ra no te feia takito o tei parahi i nia iho i te fenua ra o Amerika. * Tupu ihora te hoê orama ia'u, ite atura vau i roto i taua orama ra i te vahi mau i hunahia'i taua mau api auro ra.*

E mea rahi atu â te mau mea ta te melahi i faaite mai ia Iosepha hou to'na revaraa'tu, e ua hoi mai a'era oia i na tai-me e piti i te reira ihora po e ua a'o oia ia Iosepha e ao noa'tu. Farerei faahou ihora o Iosepha i te melahi i te reira iho mahana, haere atura i te vahi i itehia e ana i roto i te orama, ite ihora oia i te mau api auro i roto i te hoê afata ofai.

A tamata'i oia i te rave mai i taua mau api auro ra, faaite faahou maira taua melahi ra ia'na e, eiaha oia e rave i te reira e tae noa'tu i te hopea o na matahiti e maha. Ho'i ihora oia i te reira vahi i te mau matahiti ta tai tahi e tae noa'tu i te maha.

I te hopea tia mau o te maha o te matahiti, tae maira te tau ia rave mai au i taua mau api auro ra, e te Urima e te Tumima e te paruru ouma atoa hoi. I te 22 no Setepa i te m. 1827

** tuu maira taua melahi ra i te mau api auro ia'u. * Te vai maitai noa ra taua mau api auro ra i roto i to'u nei rima e tae noa'tu i te faaoti-roa-raa-hia o te mau ohipa ta te Atua i faaue mai ia'u no taua mau api ra. (Buka Poe Tao'a Rahi)*

Na muri a'e i to Iosepha faaotiraa i te iritiraa i te Buka a Moromona na roto i te tauturu-noa-raa a te Atua, ua faaho'i oia i te mau api auro i roto i te rima o taua iho melahi ra.

Te Mau Uiraa: 1. I nafea te melahi ra o Moroni i fâ mai ai ia Iosepha Semita? 2. E hia to'na fâraa mai ia'na i te reira po? 3. Eaha te mau mea ta te melahi i faaite mai ia Iosepha? 4. Eaha te mea ta Iosepha i ite i roto i ta'na orama? 5. I nafea Iosepha i farerei faahou ai i te melahi? 6. Nahea mai te melahi ia'na a tamata'i oia i te rave mai i te mau api auro? 7. I nafea te mau api auro e te Urima e te Tumima i roa'i ia'na? 8. Ua horoa'tu Iosepha i te mau api auro e te Urima e te Tumima ia vai?

Haapiiraa Maha No Nia I **TE PAPAA PARAU TAHITO**

I te matamua o te matahiti hoê i te hau o te arii o te atî Iuda ra, o Zedekia, oia hoi, e ono hanere matahiti na mua a'e i te fanauraa o te Mesia, te parahi ra te hoê peropheta, o Lehi to'na i'oa, i Ierusalema. Ua faaite mai te Atua ia'na i te

mau mea
e e pohe
te taata

Faaue
haere at
te Atua
rahi e ta
raa o Le
tamaiti o
ia na m

O te E
atî Nep
E taua p
oia hoi,

Te faa
i rotopu
ua faatia
merika.

Ua pa
E oia mau
au e, E m
ratou e tia
tia. (III)

O teie
hia e te
Etene ato
iho i te m

Te Ma
te mau me
Atua faau
te atî Nep
ka a Morc

Ua nave
te ra'i; E

(A haap
maitai i

mau mea e rave rahi no Ierusalem, oia hoi, e haamouhia ia e e pohe to reira taata e rave rahi i te o'e, e e hopoi-titî-hia te taata e rave rahi i Babulonia ra.

Faaue maira te Atua ia'na ia rave oia i to'na utuafare e haere atu i te medebara. Ua na reira Lehi, e ua aratai atura te Atua ia ratou i roto i te medebara e na nia hoi i te moana rahi e tae noa'tu i te fenua Amerika. Na muri a'e i te pohe-raa o Lehi, ua pee te tahi pae o taua feia ra na muri i te hoê tamaiti o Lehi ra, o Nephi to'na i'oa; te tahi pae râ, ua pee ia na muri i to Nephi tuaana, o Lamana to'na i'oa.

O te Buka a Moromona, o te papaa parau haapoto ia a te atî Nephi, e te atî Lamana hoi, e to te Atua raverā ia ratou. E taua papaa parau nei, o te raau ia i parauhia e Ezekielā, oia hoi, te raau na Iosepha. (Ezekielā 37:15-19)

Te faaite mai nei te Buka a Moromona e, ua tae mai Iesu i rotopu i te atî Nephi na muri a'e i to'na tia-faahou-raa e ua faatia oia i ta'na Ekalesia i rotopu ia ratou i te fenua Amerika.

Ua parau maira Iesu i to te atî Nephi i te na ôraa mai e, E oia mau ta'u e parau atu ia outou, no outou ta'u parau ra, a na o atu ai au e, E mamoe ê atu â ta'u, e ere i to teie nei aua, e aratai atoa mai au ia ratou e tia'i, e faaroo mai hoi ratou i to'u re'o, ia hoê a'e nānā, e hoê hoi tia. (III Nephi 15:21-24: Ioane 10:16)

O teie ia te ohipa a te Buka a Moromona, mai tei papaihia e te peropheta tahito: Ia faaite papu atu hoi i te atî Iuda e te Etene atoa hoi e, o Iesu, o te Mesia ia, te Atua Mure Ore, o te faaite ia'na iho i te mau fenua atoa ra. (Apî matamua o te Buka a Moromona)

Te Mau Uiraa: 1. O vai o Lehi? 2. Ua faaea oia i hea? 3. Eaha te man mea no Ierusalem ta te Atua i faaite mai ia'na? 4. Eaha ta te Atua faaueraa ia'na? 5. Ua haere ratou i hea? 6. Eaha ta Iesu parau i te atî Nephi i te taime oia i tae mai ai ia ratou? 7. Eaha te ohipa a te Buka a Moromona?

HAAPIIRAA PARAIMERE

No te Ava'e TIURAI

Irava tamau aau: *Reo Himene N° 18*

Ua navenave roa te parau a Iesu Christ, i pou mai ai i raro no nia mai i te ra'i; E taata hara vau e ite râ to'u, i pou maira te Fatu, ei faaora ia'u.

(A haapii atu i te mau tamarii i te hoê himene apî e te hoê hautiraa maitai i te mau mahana maha atoa ra o te ava'e).

Tiurai 6. A haapii atu i teie aamu i te mau tamarii.

TE HOÊ BAPETIZORAA

I te 8 no Me i te matahiti 1931, i te hora iva i te avatea, ua tae mai te hoê pahi manua no Amerika. E e mea maoro rii to'na faaeearaa i Papeete nei. I te reira mau mahana ua tae mai te hoê mataro no taua pahi ra i te fare orometua, e ua ani mai oia i te Peretiteni ia baptizo ia'na. Ui atura te Peretiteni ia'na, No hea mai to oe iteraa i to matou Ekalesia? Na ô maira taua mataro ra, ua faaite mai te hoê hoa no'u i te reira i to maua faaeearaa i te fenua Tinito. Faaea ihora vau i te fenua Tarafonia e ua horoahia mai ia'u te hoê Buka a Moromona e ua tai'o ihora vau i te reira e ua ite au e parau mau, area râ na mua a'e i to'u baptizoraa ua re-va mai to'u pahi. Feruri noa ihora vau i nia iho i teie mau mea e i to'u taeraa mai i Papeete nei te vai noa ra to'u hinaaro ia baptizohia i roto i te Ekalesia a Iesu Mesia i te Feia Mo'a i te Mau Mahana Hopea Nei.

Ua baptizohia ihora taua mataro ra e te hoê Orometua e ua tuuhia te rima e te Peretiteni. E te ite nei tatou na roto mai i teie nei aamu poto te vai noa nei â te mau ohipa maere a te Atua.

Tiurai 13. Teie te parau e haapii atu i te mau tamarii.

E HAAMAITAIRAA

I te mahana Sabati i te 5 no Atopa, 1930, i te fenua Tubuai e i te Amaa i Mahu, ua faaitehia te mana o te Autahu'araa na roto i te hoê faatahinuraa i te hoê tamahine, o Teta to'na i'oa. I te taima no te hoê pureraa ua tupu te ma'iino roa i nia iho i taua tamahine ra; tamatahia'tura te mau raau e aita roa e ravea. Tihihia'tura na orometua e piti no te faatahinu ia'na, e i te taima no te faatahinuraa o taua tamahine ra, e hi'oraa pohe roa to'na. Ua faatahinuhia oia e te hoê taata maohi, e Peresibutero to'na toro'a, e ua haamauhia te faatahinuraa e te hoê orometua e te hoê taata maohi. E mai te huru ra e, e 20 minute i muri a'e i taua faatahinuraa ra, ua ora rii taua tamahine ra, e i te mahana i muri a'e i taua faatahinuraa ra ua ora roa taua tamahine ra e ua rave oia i te mau ohipa i roto i te pureraa i te reira mahana.

Ua rahi roa te mau taata no rapae i te Ekalesia a Iesu Mesia i te Feia Mo'a i te Mau Mahana Hopea Nei o tei ite i taua ohipa ra, e riro ihora te reira ei mea maere ia ratou.

Tiurai 2

I te h
rea i te
ua ai oia

E teie
i ite i ta
nei e aia
mahana
e rahi il
atoa ta'
mahana
oe, ia a

Vare
I te tahi
ko na ta
tei roto

Pii at
rau, a h
oia i te

Ata il
noa-hia
ta, eiah
maamaa

Eita t
hipa ma
Tiurai 2

I te h
i te vî i
ohipa ra
te mau

Na ô
te tumu
reira i
hirohi c

Tiurai 20. Teie te hoê aamu te au ia haapii i te tamarii.

TE PAE INO O TE ARATIA

I te hoê mahana roaa'tura i te hoê lukō te hoê uri tei varea i te taoto i rapae i te uputa o to'na ra fatu, e a faaineiua ai oia i te haapeapea ia'na, na ô maira taua uri ra:

E teie nei taata e, a tuu a'e oe ia'u i teie taime. Aita oe i ite i ta oe e rave nei no te mea e mea pararai roa vau i teie nei e aita roa e au ia amuhia i teie nei. Area râ, i roto i na mahana e piti e haere mai nei e tupu te hoê faaipoiporaa, e e ra'i ihoa ia te maa i reira, e e mea papu roa e tufaa maa atoa ta'u i reira o te haaporai ia'u. A tia'i ia tae i te reira mahana, eiaha no'u, no oe iho ra, e te parau atu nei au ia oe, ia au maitai au no to amu, e amu ihoa oe ia'u.

Vare ihora te lukō i te parau a te uri e tuu atura ia haere. I te tahi nau mahana rii i muri iho haere faahou atura te lukō na taua vahi ra, area râ, i taua taime ra aita te uri i rapae tei roto râ i te fare i te taotoraa.

Pii atura te lukō: Ho! oe i ô na, a haamana'o i ta oe parau, a haere mai i rapae ia amu vau ia oe! Te mātā'u ra hoi oia i te tomo i roto i te fare.

Ata ihora te uri e ua parau maira: E tau'hoa e, ia roo-noa-hia'tu vau e oe i te taoto-faahou-raa i te pae ino o te uputa, eiaha oe e tia'i i te hoê faaipoiporaa a riro faahon oe ei maamaa.

Eita te taata paari e tia'i i te tahi taime, ia ite oia i te hoê ohipa maitai, e rave oioi noa oia i te reira.

Tiurai 27. Tera mai te parau te rave ei haapiiraa.

TE IORE E TE TUMU VÎ

I te hoê tau, ua haamata te tahi mau iore, o tei amu noa i te vî i nia i te hoê tumu vî, i te omumu ma te parau e, e ohipa rahi e te haumani hoi ia pauma noa i nia i teie raau i te mau taime ua hinaaro ratou ia amu i te maa.

Na ô atura te hoê o ratou: Mai haere ana'e tatou e amu i te tumu o taua raau ra, e ia motu ana'e te tumu e mairi te reira i raro e i reira e amu noa ia tatou i te mau vî ma te rohirohi ore.

Area râ, tapea ihora te hoê iore paari ia ratou ma te parau atu e: A haapao maitai i ta outou e rave ra, no te mea ia faa-topa outou i te reira raau i raro e pohe ihoa oia. Ua horoa mai oia i te maa na tatou e tae roa mai i teie nei, e mai te mea e haapohe outou ia'na, na vai ia e horoa mai te maa na tatou i te mau tau i mua nei?

Ia haamou ana'e tatou i te mau mea maitai no tatou, te hamani ino ra ia tatou ia tatou iho.

E FARE PURERAA API I RARAKA

Ua tomohia te fare pureraa api i Raraka i te 17 no te ava'e Febuare i mairi a'enei; e fare patu te reira e te nehenehe hoi. O te ono ia o te mau fare pureraa i faaotihia e i tomohia e to te Ekalesia Moromona i te mau amaa i teie paeau i roto i na matahiti e ono i mairi a'enei. E faaiteraa papu roa te reira ia tatou e, te haere nei te ohipa a te Fatu i mua i teie mau fenua rii moana nei, e te rave itoitonoa nei â to te Ekalesia mau a te Mesia i ta'na ra ohipa.

O teie ia te huru o te mau ohipa i ravehia no taua tomoraa fare ra: I roto i te pureraa Autahu'araa tei faaterehia i te po'ipoi o te reira mahana, ua opuahia te mau ohipa e ravehia. Haamata ihora te ohipa tomoraa i te hora ahuru i te avatea na roto i te hoê haaputuputuraa i mua a'e i te fare. Na muri a'e i te mau himeneraa, e te hutiraa o te reva Farani na te Tavana no Raraka, ua faaotihia te hoê pureraa. A'o maira te mau taata, topahia a'era te i'oa ra o Galilea i te reira fare e tomo atura ratou i roto ra. No te rahiraa o te mau taata o tei tae i reira ua apiapi roa te mau parahiraa e ua tia noa te tahi pae taata i nia.

Na Tehina a Taufa, te Peresidoni Amaa, te pureraa i faatere, e na'na, e na Tuatena, te Tavana no Raraka, e na Pereti Orometua te mau a'oraa. Na Viri Orometua i auvaha i te pure tomoraa. I te faaotiraa o te pureraa ua haere te mau taata i rapae e tamaa ihora ratou.

Ua mauruuru to Raraka, e to te Ekalesia atoa, i te Atua no to'na tantururaa mai i te hamaniira i taua fare ra. Ua tauturu itoitonoa hoi te mau orometua papaa e te mau taata atoa o taua fenua ra. Ia riro teie fare ei tapao o te ohipa e te aroha o te Atua i teie paeau o te moana nei.

Papaiha e Viri, Orometua

E raau
rutia ua it
avae i roto
ravehia ne
raau no te

E taur
radium i r
No te iti o
hoê noa ik
paari e, u
te imi i te

E taur
Mexico ia
raraaraa i
maniraa i
rauerere o t

E maa
faaamu i t
e itehia te
te moana,
mau vahi

Ua ite
huru api,
hoê eleph
vahi nei r

E ahu
aahu no r
ua au ane
rimu ra.
ua ravehia

I te fe
hoê tufaa
te apaapa
raahia o t
nia i te ho
atoreraa i
moa ra. I
i taua ana

TE MAU PARAU APÎ

E raau no te rumati. I roto i te hoê fare ee raa raau i te fenua Purutia ua ite te mau taata rave ohipa e, ia tuu ratou i to ratou mau rima e te avae i roto i te hu'a raau, e ore roa to ratou mau i reira. E i teie nei te ravehia nei te reira ei raau no te rumati, no te mea i te matamua aita'tu e raau no te reira ma'i, maori ra, te faaea noa.

E taura roa mau. No te hinaaro o te tahi mau taata paari ia imi i te radium i raro roa i te moana, ua hamanihia te hoê taura e 7 maile i te roa. No te iti o te reira metalo, oia hoi te radium, tei itehia i nia i te fenua nei, hoê noa iho afa paunu i roto e 29 matahiti, te mana'o nei teie mau taata paari e, ua rahi atu te reira i roto i te moana, e no reira e tamata ratou i te imi i te reira i raro roa i te moana ra.

E taupoo moni rahi mau. E mea tia roa i te Peresideni no te hau Mexico ia haapao maitai i to'na taupoo, no te mea ua pau e vau ava'e i te raraaraa i taua taupoo ra e ua aufauhia hoi e 794 tara moni farani no te hamanihia i taua taupoo ra. Ua hamanihia te reira taupoo no roto mai i te rauere o te hoê tumu paina.

E maa faito apî. Te opua nei te mau taata paari no te fenua Purutia ia faaamu i te huiraatira o taua fenua ra i te maa no roto mai i te mona te ore e itehia te mata taata ia hi'o, oia hoi te tahi mau i'a e te tahi mau aihere o te moana, tei parauhia e plankton, e o tei riro ei maa no te mau i'a no te mau vahi moana roa.

Ua itehia i te fenua Aferika, i te tufaa fenua Uganda, te hoê ati huru apî, oia hoi, ua rahi roa te mau elephani. Ua tae ratou i te faito e, hoê elephani no te 175 taata e ua riro ratou ei ati no ratou no te mea te vahie nei ratou i te mau fare e te haamou nei i te mau faaapu a te taata.

E ahu faito apî. I te fenua Tapone te hamani nei te hoê Sotaiete i te aahu no roto mai i te hoê huru rimu no roto i te miti. Aita ratou i haapo e ua au anei te huiraatira e aita anei, no te mea, e maa au roa na ratou taua rimu ra. Noa'tu e, atahi ra te reira rimu i ravehia'i no te hamani i te ahu, ua ravehia te reira ei vahie, no te hamanihia i te pu'a e te raau tutui.

I te fenua Tinito ua riro atoa te tama'i ei mea maitai, no te mea i te hoê tufaa fenua a taorahia'i te hoê grenade, oia hoi e tupita, ua pahee mai te apaapa o te hoê aivi e ua vai noa mai te piru. O te piti te reira o te iteraahia o te piru ma te imi ore hia. I te tahi tau ua tupai te hoê taata Rumania i te hoê moa tei amu i te maa i pihaiho i te hoê anavai pape, e i to'na atoreraa i taua moa ra, ite atura oia i te hu'ahu'a piru i roto i te opu o taua moa ra. Imi atura oia no hea mai taua piru ra e ua itea ia'na e no roto mai i taua anavai ra, e riro atura oia ei taata faufaa rahi.

E auro no te ra'i mai. I te matahiti 1933 ua itehia te hoê tufaa no te hoê fetia tei mairi mai no te ra'i mai e aita i haapaohia. I teie mau mahana i mairi a'e nei ua ite-faahou-hia te tahi mau tufaa rii nainai o taua fetia ra, e i to ratou hi'opoaraahia itehia ihora e, e auro to roto i taua mau tufaa fetia ra.

E parau no te tio. I to tatou fenua nei e mea pinepine te taata i te taero ia amu ratou i te tio, e ua parau-noa-hia hoi e, ua ino te tio, I teie nei ra, na roto i te imiraa o te mau feia paari, ua itehia e te vai nei te ve o i roto i te tio e ua noaa te reira ia ratou no roto mai i te miti. No reira, ia rahi ana'e te ve o i roto i te tio, e taero ihoa te taata ia amu i te reira,

E taata etaeta mau. I te poheraa o to'na metua i Italia, ite atura te taata ra o Frank Rusoti, tei haa Marite ia'na e tei rave i te ohipa i roto i te hoê fare hamaniraa parau, e faufaa rahi tei vaiihohia na'na. Area râ, ua parau atu te tonitara Italia ia'na, mai te mea e hinaaro oe i te rave i taua faufaa ra, e mea tia roa ia ia vaiiho oia i to'na tiaraa Marite e ia haere atu oia i te fenua Italia. Pahono atura taua taata ra, E mea hau a'e na'u to'u toroa hamani parau i Amerika nei i te toroa arii i Italia. Aita roa vau e hinaaro nei i te ho'i atu i Italia, i teie nei, e a muri noa'tu. Eita roa vau e rave i te reira mowi, noa'tu e tae te reira i te ahuru milioni tara.

E parau mau te Bibilia no te mea ua heruhia a'enei te vahi i vai ai te oire ra o Lakisa, tei parauhia i roto i te Iosua 10:3, e ua itehia te mau toea o taua oire. I to te mau taata беру noa raa i reira ua itehia na rata e hoê ahuru ma vau, tei papaihia i roto i te reo Hebera, i te tau o Ieremia, tei faaite mai i te mau peapea tei tupu i te reira mau tau e tae noa'tu i te haamouraahia o taua oire ra o Lakisa i te hopea o te tau o te arii ra a Zedekia ra.

I Europa. I roto i te ava'e Eperera i mairi a'enei ua hau te tama'i i te fenua Paniora e ua riro te rê ia Franco e i teie nei ua riro oia ei taata faatere no taua fenua ra. —I teie nei ua moe te hau Techeko Slovakia na roto i to Slovakia faataa-ê-raa ia'na iho ei hau ê e i te haruraahia te fenua o te Techeko e te Purutia. —I teie mau mahana nei te faaineine nei te mau basileia atoa o Europa no te tama'i e ua rahi roa te moni tei haamanu'ahia no te reira ohipa.

E ati to te feia hiohio. I te fenua Purutia ua faatiahia te hoê ture api tei opani etaetaroa e, eiaha roa te taata ia hiohio i te pehe himene a te Hau, no te mea te parau nei te mau taata faatere no te reira fenua e, e peu tura o'e taua peu ra. I na tau i mairi a'enei, ua mana'ohia e e tupu te peapea ia hiohio te vahine. I nia atoa i te mau pahi, eita te mau feia hiohio e auhia no te mea, i reira, te rahiraa o te mau faaueraa e mea na roto ia i te hioraa, e mai te mea e anoi mai ta te taata iho hioraa, e hape ihoa ia te mau faaueraa.

Te hoo: e 5 farane i te matahiti; e 10 fr. no na matahiti e 3.

Nencihia i roto i te Piha Neneiraa a te Ekalesia a Iesu Mesia I Te Feia Mo'a i Te Mau Mahana Hopea Nei. Papeete, Tahiti.

Marcel Bonnet Gérant. Kenneth R. Stevens, Imprimeur.
Rue Dumont d'Urville, Orovini, Papeete, Tahiti.

T

T

I te a
to'na n
i te aau

I te m
ta ia'na

E tae
te hoê t
ta paari
faaorehi

Parau
na i tei
huri ia
ra râ te
ra; na ô
muri no
huru i t
i to rato
reira te
hi. Aor
ru hupe
ia oe te

Mauri
ue ihora
te mau